

DESKRISAUN BA POZISAUN

Ofisial Kampu

Titulu pozisaun	Ofisial Kampu
Lokalizasaun	Covalima, Timor-Leste
Relata ba	Adjunto Jerenti Projetu
Grau	3 step 1
Salariu	US\$442 kada fulan
Tipu pozisaun	Tinan 1
Data komesa/durasaun	15 Abril, 2024

1. Konaba CARE iha Timor-Leste

1.1 Konaba CARE

CARE hanesan organizasaun internasional ba dezvoltimentu no umanitariu ne'ebé servisu iha Timor-Leste dezde 1994. Ho programa sira ne'ebé konsentra iha munisipiu hotu iha rai-laran, CARE servisu hamutuk ho parseiru sira atu salva moris, halakon ki'ak, no atinje justisa sosial.

CARE servisu ho komidade sira iha area rural no hamutuk ho parseiru sosiedade sivil sira atu luta hasoru dezigualdade jéneru, tamba ida ne'e hatudu ona katak dalan efetivu ida atu kria impaktu ba dezvoltimentu ne'ebé sustentavel.

Asegura moris di'ak no rona fetu no labarik fetu sira nia lian iha area ne'ebé rural no dezvantajen sai nudar sentru ba CARE nia servisu. Ida ne'e atinje liu husi area prioridade haat hanesan Edukasaun, Hakbiit Fetu sira-nia Ekonómia, Saúde no promove Fetu sira-nia Lian iha sosiedade liu husi programa dezvoltimentu no umanitariu sira.

1.2 Konaba programa

Projetu COVID 19 no haforsa Sistema saúde iha Timor-Leste hanesan projetu ba tinan tolu iha Viqueque no Covalima ne'ebe implementa husi Care Internasional iha Timor-Leste.

Objetivu dezvoltimentu projetu ne'e (PDO) nia objetivu mak atu hametin ka haforsa kapasidade komidade sira-nian iha sira-nia preparasaun no resposta ba Covid-19 no emerjénsia saúde sira seluk.

Objeivu Dezenvolvimentu projetu ne'e sei realiza liu husi: i(esforsu atu hametin ligasaun no hadi'a koordinasaun entre instituisaun nivel comunidade sira no programa no servisu formál Governu nian sira iha setór saúde. Haforsa ka hasa'e kapasidade organizaun comunidade sira-nian. Iii Hadia kumunidade sira nia konsiensia, koinesementu, hahalok konaba COVID 19.

Projetu ne'e sei servisu hamutuk ho Governu Timor-Leste iha nivel Nasionál no sub-nasional no ho suku (autoridade aldeia sira no lider komunitáriu sira.

Intervensaun ne'e foka liu ba fatin rurál sira, feto, labarik feto sira, mane no ema vulneravel sira (hanesan inklui ema ho defisiénsia sira ne'ebé serbisu saúde iha suku no Komité jestaun dezastre sira. Totál benefisiáriu diretu ne'ebé hetan benefisiu ba projetu ne'e hamutuk ema besik 33.000 iha munisípiu rua Covalima no Viqueque. Aproximadamente 50 porsentu benefisiáriu diretu mak feto.

2. Knaar

Objetivu, papel husi Oficial Kampu mak atu aseguara atividade hotu projeitu nian bele implementa ho efetivu no efisiente iha nivel eskola no comunidade nian. Sei reprezenta projetu hanesan pontu fokal iha nivel kampu ka munisipio no rekere atu kria no mantein relasaun ne'ebé diak ho governu lokal, ONG lokal/Internasional nomos ho parseiru servisu sira seluk.

RESPONSABILIDADE PRINSIPAL:

- Suporta Adjuntu Jestor Projetu atu dezenvolve planu annual ba implementasaun projetu nian.
- Dezenvolve planu servisu mensal implementasaun projeitu nian no aseguara katak atividade hotu lao tuir planu.
- Submete relatoriu mensal regularmente ba implemetntasaun atividade sira hotu.
- Lori idea ka sujestaun ruma (feedback) husi nivel kampu ba parte projetu nian.
- Suporta Adjuntu Jestor Projetu atu dezenvolve planu annual ba implementasaun projetu nian.
- Dezenvolve planu servisu mensal implementasaun projeitu nian no aseguara katak atividade hotu lao tuir planu.
- Ho orientasaun husi Vise-Jestór Projetu sira, sira servisu hamutuk ho membru comunidade sira atu apoia atividade lora-lora nian, formasaun no workshop.
- Uza aproximasaun partisipativu ba treinamentu fasilitasaun no mobilizasaun comunidade.
- Kolabora no koordena ho parseiru projetu sira, sosiedade sivíl no autoridade Governu sira hodi presta atividade projetu sira.
- Organiza partisipante no fasilita eventu comunidade no fasilita formasaun ba grupu benefisiariu sira.
- Halo relatoriu mensal atividade serbisu nian ba Adjuntu Jerente Projetu

KOMUNIKASAUN NO KOORDENASAUN

- Komunika ativu ho Supervisor, kolega servisu no funsionariu seluk projeitu nian.
- Koordena no akompañia vizita husi ekipa jestor ka doador iha eskola no comunidade.
- Atende treinamentu ka workshop ne'ebé organiza husi projeitu ka CARE.
- Reprezenta CARE iha Kampu

3. Kriteria ba selesaun

ESPERENSIA NO KUALIFIKASAUN:

- Minimu S1 ka diploma iha area dezvoltamentu komunitariu, ka area saúde.
- Minimu iha esperensia 2 ba leten serbisu ho organizasaun internasional ka organizasaun lokál ba asuntu dezvoltamentu komunitariu.
- Língua lokál sira hanesan bunak, tetum terik, makasae no koalia tetum diak.
- Abilidade atu promove kolaborasaun ho parte interesada Governu nian.
- Prova entendimentu kona-ba metodolojia partisipativu ba mobilizasaun comunidade.
- Esperensia ne'ebé hatudu iha esperiansia mobilizasaun comunidade.
- Iha ona espereinsia hodi fornese formasaun no abilidade fasilitasaun ne'ebé di'ak.